



NOGOMETNI SAVEZ FEDERACIJE BOSNE I HERCEGOVINE

PROPOZICIJE
takmičenja/natjecanja završnice
nogometnog Kupa Federacije BiH za juniore
za takmičarsku/natjecateljsku sezonu 2020/2021

Sarajevo: juli/srpanj 2020. godine

Broj: 508-IV/20
Sarajevo: 01.07.2020.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 40. sjednici održanoj 01.07.2020. godine u Sarajevu, a na prijedlog Komisije za takmičenje NS FBiH, donio je s l j e d e ć e:

PROPOZICIJE
takmičenja/natjecanja završnice
nogometnog Kupa Federacije BiH za juniore
za takmičarsku/natjecateljsku 2020/2021 godinu

I - OPĆE ODREDBE

Član 1.

01.01. Ovim Propozicijama utvrđuje se način rukovođenja i organiziranja završnog dijela nogometnog Kupa BiH za juniore za takmičarsku 2020/2021 godinu, broj sudionika, plasman klubova, organizacija utakmica, žalbeni postupak, finansijske odredbe i dr.

II - SUDIONICI NATJECANJA

Član 2.

02.01. U završnici juniorskog Kupa Federacije Bosne i Hercegovine učestvuje deset timova-pobjednika juniorskog Kup takmičenja kantonalnih/županijskih saveza.

Član 3.

03.01. Svaki kantonalni/županijski savez obavezuje se da organizira i sprovede Kup takmičenje za juniore na nivou kantona/županija uz učešće svih klubova članova Premijer lige BiH, Prve lige FBiH, Druge lige FBiH, kantonalnih/županijskih liga i općinskih nogometnih liga uz pravovremeno utvrđivanje kalendara takmičenja, organiziranje i provođenje te racionaliziranje troškova odigravanja utakmica za sve klubove.

Član 4.

04.01. Svi kantonalni/županijski nogometni savezi imaju predstavnika u završnici Kupa Federacije BiH.

Član 5.

05.01. Najuspješniji klubovi nakon sprovedenog Kup takmičenja na nivou k/ž saveza (10 klubova), a shodno članu Propozicija takmičenja igrat će prvo kolo završnice Kup takmičenja.

Član 6.

- 06.01. Poludirigovanim žrijebom se određuju parovi utakmica prvog kola završnice Kupa FBiH za juniore a vodeći računa o regionalnoj udaljenosti klubova i smanjenju troškova putovanja.
- 06.02. U završnici juniorskog Kupa Federacije BiH za takmičarsku 2020/2021 godinu igraju se dvije utakmice (po jedna na domaćem i gostujućem terenu).

Član 7.

- 07.01. U završnici Omladinskog Kupa Bosne i Hercegovine igrat će pet ekipa iz NS F BiH i tri ekipe iz FS RS. U četvrtfinalu i polufinalu igraju se po dvije utakmice (po jedna na domaćem i gostujućem terenu).
- 07.02. Sistem odigravanja završnice Kupa BiH donosi Izvršni odbor NS/FS BiH.

III - RUKOVOĐENJE I ORGANIZACIJA

Član 8.

- 08.01. Takmičenjem/natjecanjem završnog dijela nogometnog Kupa Federacije BiH za juniore rukovodi Izvršni odbor NS FBiH.
- 08.02. Odluke u prvom stepenu iz takmičarskog djela donosi komesar omladinskih takmičenja, koji delegira delegate, a delegiraje sudaca vrše dva člana Komisije za suce i suđenje NS FBiH koji ne učestvuju u delegiranju sudaca Prve lige FBiH.
- 08.03. Disciplinske odluke u prvom stepenu donosi disciplinski sudija Omladinske lige BiH grupa „Centar“ i „Jug“.
- 08.04. Odluke u drugom stepenu donosi Apelaciona komisija NS FBiH.

Član 9.

- 09.01. Takmičenje/natjecanje u završnici Kupa Federacije BiH administrativno se vodi kroz COMET informacioni sistem.
- 09.02. Zapisnik sa utakmica sastavlja se na način kao u prvenstvenim utakmicama.

IV - SLUŽBENE OSOBE

Član 10.

- 10.01. Za obavljanje funkcije službenih osoba na utakmicama završnog dijela nogometnog Kupa Federacije BiH delegiraju se delegati i suci sa lista Prve i Druge lige Federacije BiH.

V - ORGANIZACIJA UTAKMICA:

Član 11.

- 11.01. Organizacija utakmica se vrši prema odredbama Pravilnika o nogometnim takmičenjima/natjecanjima NS/FS BiH i Propozicijama takmičenja/natjecanja za prvenstvo nogometnih liga i Kupa u Federaciji BiH za takmičarsku 2020/2021 godinu.

- 11.02. Utakmice se igraju na terenima registriranim za prvenstvene utakmice u Federaciji BiH. Organizaciju utakmice vrši klub domaćin.

Član 12.

- 12.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.

Član 13.

- 13.01. Klubovi učesnici završnice juniorskog Kupa FBiH obavezni su vršiti snimanje svih domaćih utakmica. Snimanje utakmica regulisano je posebnim uputstvom o snimanju utakmica izdatim od strane NS FBiH.

VI - PRAVO NASTUPA

Član 14.

- 14.01. Pravo nastupa na utakmicama završnog dijela nogometnog Kupa Federacije BiH imaju igrači koji ispunjavaju uvjete za nastup, a koji su propisani Pravilnikom o registraciji, statusu i transferu igrača NS/FS BiH i Propozicijama takmičenja Omladinske lige BiH.

VII - UTVRĐIVANJE PLASMANA

Član 15.

- 15.01. U slučaju identičnog rezultata nakon dvije utakmice odmah će se pristupiti izvođenju jedanaesteraca za dobijanje pobjednika.
- 15.02. Pet najuspješnijih klubova nakon prvog kola plasirat će se završnicu juniorskog Kupa Bosne i Hercegovine.

Član 16.

- 16.01. Žalba na odigranu utakmicu može se najaviti u roku 24 sata, a obrazloženje žalbe sa dokazom o uplaćenju taksi u roku od 48 sati po odigranoj utakmici.
- 16.02. Žalba na odluku prvostepenog organa može se uložiti u roku od tri dana po prijemu prvostupanjske odluke.
- 16.03. Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak.

VIII - FINANCIJSKE ODREDBE

Član 17.

- 17.01. Troškovi organizacije utakmica i svih službenih lica snosi klub domaćin. Troškovi službenim osoba se isplaćuju prema odluci Izvršnog odbora NS FBiH o dnevnicama, putnim troškovima, taksama, članarinama i drugim naknadama.

IX - ZAVRŠNE ODREDBE

Član 18.

- 18.01. Za sva ostala pitanja koja nisu predviđena ovim Propozicijama primjenjivat će se propisi NS/FS BiH i NS FBiH.
- 18.02. Ove Propozicije stupaju na snagu danom donošenja, a primjenjuju se za takmičarsku 2020/2021 godinu.

P R E D S J E D N I K

Irfan Durić